

REGIONAL NEWS UNIT
ALL INDIA RADIO, AGARTALA
Date: 01-01-2026
Time: 07:55-08:05 PM Hrs
BENGALI EVENING BULLETIN

Headlines :

- (১) মুখ্যমন্ত্রী অধ্যাপক ডাঃ মানিক সাহা আজ আগরতলার নজরুল কলাক্ষেত্রে ত্রিপুরা মধ্যশিক্ষা পর্ষদের সুবর্ণ জয়ন্তী বর্ষ উপলক্ষে আয়োজিত অনুষ্ঠানের উদ্বোধন করেন।
- (২) আগামীকাল থেকে হাঁপানিয়া আন্তর্জাতিক মেলা প্রাঙ্গণে ৪৪তম আগরতলা বইমেলা শুরু হচ্ছে।
- (৩) রাষ্ট্রপতি দ্রোপদী মুর্মু আজ বলেছেন যে ভারত দ্রুত বিশ্বের তৃতীয় বৃহত্তম অর্থনীতিতে পরিণত হওয়ার দিকে এগিয়ে চলেছে।
- (৪) রেলমন্ত্রী অশ্বিনী বৈষ্ণো ঘোষণা করেছেন যে দেশের প্রথম বন্দে ভারত স্লিপার ট্রেন শীঘ্রই গুয়াহাটি এবং কলকাতার মধ্যে চলাচল করবে।

Governor-Greetings :

রাজ্যপাল ইন্দ্রসেনা রেড্ডি নাল্লু ইংরেজি নববর্ষ উপলক্ষে রাজ্যবাসীকে শুভেচ্ছা ও অভিনন্দন জানিয়েছেন। এক শুভেচ্ছাবার্তায় তিনি বলেন, ঐতিহ্য, একতা, নতুন কিছু শুরুর আশায় ও লক্ষ্য নির্ধারণে সারা বিশ্বে দিনটি পালিত হয়। নতুন বছর শুরুর চেতনা মানুষকে সুন্দর ভবিষ্যতের দিকে এগিয়ে নিয়ে যেতে উৎসাহিত করে। নতুন বছরে তিনি রাজ্যবাসীর সুখ, শান্তি, সমৃদ্ধি কামনা করেছেন।

TBSE-CM :

মুখ্যমন্ত্রী অধ্যাপক ডাঃ মানিক সাহা আজ আগরতলার নজরুল কলাক্ষেত্রে ত্রিপুরা মধ্যশিক্ষা পর্ষদের সুবর্ণ জয়ন্তী বর্ষ উপলক্ষে আয়োজিত অনুষ্ঠানের উদ্বোধন করেন। তিনি বলেন, শিক্ষা শুধু পড়াশুনার মধ্যে সীমিত নয়। প্রকৃত জ্ঞান অর্জনই প্রকৃত শিক্ষা। মুখ্যমন্ত্রী বলেন, AI অর্থাৎ কৃত্রিম বুদ্ধিমত্তা শিক্ষাক্ষেত্রে একটি গুরুত্বপূর্ণ মাধ্যম। তিনি ছাত্রছাত্রীদের AI-র সঠিক ব্যবহার করার পরামর্শ দেন। রাজ্যে বিদ্যালয় শিক্ষার পরিকাঠামো উন্নয়নের রাজ্য সরকারের গৃহিত পদক্ষেপ মুখ্যমন্ত্রী বিস্তারিত উল্লেখ করেন। অনুষ্ঠানে বক্তব্য রাখেন শিক্ষা দপ্তরের বিশেষ সচিব রাভেল হেমেন্দ্র কুমার, বিবেকনগরস্থিত রামকৃষ্ণ মঠ ও মিশনের মহারাজ স্বামী ভক্তিসুধানন্দ মহারাজ, মাধ্যমিক শিক্ষা অধিকর্তা এন.সি শর্মা, ত্রিপুরা মধ্যশিক্ষা পর্ষদের সভাপতি ডঃ ধনঞ্জয় গণ চৌধুরী। অনুষ্ঠানে ২০২২ থেকে ২০২৫ সাল পর্যন্ত মাধ্যমিক ও উচ্চমাধ্যমিক পরীক্ষায় উত্তীর্ণ ২৩ জন কৃতি ছাত্রীকে ইন্দিরা ভট্টাচার্য স্মৃতি পুরস্কার প্রদান করা হয়।

Book Fair :

আগামীকাল থেকে হাঁপানিয়া আন্তর্জাতিক মেলা প্রাঙ্গণে ৪৪তম আগরতলা বইমেলা শুরু হচ্ছে। উদ্বোধন করবেন মুখ্যমন্ত্রী অধ্যাপক ডাঃ মানিক সাহা। এবারের আগরতলা বইমেলার মূল ভাবনা হলো: "বন্দেমাতরম"। বইমেলা উপলক্ষ্যে তথ্য ও সংস্কৃতি দপ্তরের মাধ্যমে বিভিন্ন অনুষ্ঠানের আয়োজন করা হয়েছে। ১৩ দিনব্যাপী এই মেলার সমাপ্তি হবে আগামী ১৪ই জানুয়ারি।

Power Minister :

বিদ্যুৎমন্ত্রী রতন লাল নাথ বলেছেন, বিদ্যুৎ পরিষেবায় ত্রিপুরা স্টেট লোড ডেসপ্যাচ সেন্টার আন্তর্জাতিক মানের সাইবার সিকিউরিটি সার্টিফিকেশন অর্জন করেছে। এই স্বীকৃতি রাজ্যের বিদ্যুৎ ব্যবস্থাকে সাইবার আক্রমণ থেকে সুরক্ষিত রাখতে এক গুরুত্বপূর্ণ সাফল্য। আজ আগরতলায় ত্রিপুরা

রাজ্য বিদ্যুৎ নিগম লিমিটেডের ২২তম প্রতিষ্ঠা দিবস উপলক্ষে আয়োজিত অনুষ্ঠানে তিনি একথা বলেন। তিনি বলেন, বিদ্যুৎ ব্যবস্থাকে আধুনিক ও জনমুখী করতে একাধিক সংস্কার করা হয়েছে। লোডশেডিং এখন অনলাইন ব্যবস্থার মাধ্যমে নিয়ন্ত্রিত, স্মার্ট মিটার ও স্বচ্ছ বিলিং চালু হয়েছে। গ্রাহকরা ঘরে বসেই বিল পরিশোধ করতে পারছেন। তিনি বলেন, আগরতলা পুর নিগম এলাকায় সম্পূর্ণভাবে মাটির নীচে কেবল স্থাপনের পরিকল্পনা নেওয়া হয়েছে।

Zero Fatality Month :

মুখ্যমন্ত্রী অধ্যাপক ডা: মানিক সাহা জানিয়েছেন, রাজ্য সরকার এবছরের জানুয়ারী মাসকে মৃত্যু-শূন্য মাস হিসাবে পালন করার সিদ্ধান্ত নিয়েছে। তিনি জানান, সুপরিবর্তিত সমন্বিত উদ্যোগ এবং জনসচেতনতার মাধ্যমে সড়ক দুর্ঘটনার হার ও প্রাণহানি কমিয়ে আনা সম্ভব। এই লক্ষ্যকে সামনে রেখে সড়ক নিরাপত্তা জোরদার করতে সুরক্ষা অভিযানের আওতায় জানুয়ারী ২০২৬ মাসকে "মৃত্যু-শূন্য মাস (Zero Fatality Month)" হিসাবে পালন করার সিদ্ধান্ত নেওয়া হয়েছে। রাজ্য পরিবহন দপ্তরসহ সড়ক নিরাপত্তার সঙ্গে যুক্ত অন্যান্য সংশ্লিষ্ট দপ্তর সমন্বিতভাবে জনগণকে সচেতনতাসহ বিভিন্ন আইন ও কৌশলগত ব্যবস্থা গ্রহণ করেছে।

মুখ্যমন্ত্রী বলেন, সড়ক দুর্ঘটনা রোধে সবচেয়ে বড় প্রয়োজন নাগরিকদের সচেতনতা। এই অঙ্গীকারের সফল বাস্তবায়নে কেন্দ্রীয় ও রাজ্য সরকারের সমস্ত দপ্তর, স্বায়ত্তশাসিত প্রতিষ্ঠান, সরকারী ও বেসরকারী শিক্ষা প্রতিষ্ঠান এবং স্বেচ্ছাসেবী সংগঠনসমূহকে নাগরিক দায়িত্ববোধ নিয়ে অংশগ্রহণের জন্য মুখ্যমন্ত্রী আহ্বান জানিয়েছেন।

Rising Day-Elbert Ekka Brigade :

আগরতলায় অ্যালবার্ট একা মেমোরিয়াল পার্কে আজ ভারতীয় সেনা বাহিনীর অ্যালবার্ট একা ব্রিগেডের ৫৬তম প্রতিষ্ঠা দিবস উদযাপন করা হয়। সেখানে

শহীদ বীরদের প্রতি গভীর শ্রদ্ধা নিবেদন করা হয়। উপস্থিত ছিলেন ভারতীয় সেনার মাউন্টেন ব্রিগেডের কমান্ডার ব্রিগেডিয়ার ধীরাজ সিং। তিনি এলবার্ট এক্সা ব্রিগেডের ভূমিকার ভূয়শী প্রশংসা করেন। তিনি জাতীয় নিরাপত্তা, ত্রিপুরা সহ বিভিন্ন অঞ্চলে শান্তি ও স্থিতিশীলতা বজায় রাখার ক্ষেত্রে ব্রিগেডের গুরুত্বপূর্ণ অবদানের কথা উল্লেখ করেন।

Update Akashvani :

এখবর শুনছেন, আকাশবাণী আগরতলা কেন্দ্র থেকে।

Sound Byte

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-এলাটস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

President :

রাষ্ট্রপতি দ্রৌপদী মুর্মু আজ বলেছেন যে ভারত দ্রুত বিশ্বের তৃতীয় বৃহত্তম অর্থনীতিতে পরিণত হওয়ার দিকে এগিয়ে চলেছে এবং কৃত্রিম বুদ্ধিমত্তা ভারতীয় অর্থনীতির প্রবৃদ্ধির চালিকাশক্তি হিসেবে আবির্ভূত হচ্ছে। রাষ্ট্রপতি আজ রাষ্ট্রপতি ভবনে SOAR-Skilling for AI Readiness-এর অধীনে একটি বিশেষ অনুষ্ঠানে ভাষণ দেওয়ার সময় একথা বলেন। তিনি বলেন, AI কেবল একটি প্রযুক্তি নয় বরং ভারতে ইতিবাচক পরিবর্তনের একটি সুযোগ। আগামী দশকে AI দেশের GDP, কর্মসংস্থান এবং সামগ্রিক

উৎপাদনশীলতায় গুরুত্বপূর্ণ ভূমিকা পালন করবে। তিনি উল্লেখ করেন যে, ডেটা সায়েন্স, AI ইঞ্জিনিয়ারিং এবং ডেটা অ্যানালিটিক্সের মতো দক্ষতা দেশের AI প্রতিভা পুল বিকাশে গুরুত্বপূর্ণ ভূমিকা পালন করবে। অনুষ্ঠানে রাষ্ট্রপতি শিক্ষার্থী এবং সংসদ সদস্য সহ শিক্ষার্থীদের কৃত্রিম বুদ্ধিমত্তা সার্টিফিকেট প্রদান করেন এবং স্কিল দ্য নেশন চ্যালেঞ্জ নামে জাতীয় সচেতনতা অভিযানের সূচনা করেন। তিনি বলেন, এই চ্যালেঞ্জের উদ্দেশ্য হল কৃত্রিম বুদ্ধিমত্তা সম্পর্কে সচেতনতা বৃদ্ধি এবং অর্থনৈতিক স্বনির্ভরতা বৃদ্ধি করা।

#####Byte-President#####

রাষ্ট্রপতি ভার্চুয়াল মাধ্যমে ওড়িশার রায়রংপুরে ইগনু আঞ্চলিক কেন্দ্র এবং দক্ষতা কেন্দ্রের উদ্বোধনও করেন। কেন্দ্রীয় শিক্ষামন্ত্রী ধর্মেন্দ্র প্রধান অনুষ্ঠানে উপস্থিত ছিলেন।

Vande Bharat :

রেলমন্ত্রী অশ্বিনী বৈষ্ণো ঘোষণা করেছেন যে দেশের প্রথম বন্দে ভারত স্লিপার ট্রেন শীঘ্রই গুয়াহাটি এবং কলকাতার মধ্যে চলাচল করবে। আজ নতুনদিল্লিতে এক সাংবাদিক সম্মেলনে শ্রী বৈষ্ণো বলেন যে প্রধানমন্ত্রী নরেন্দ্র মোদী আগামী ১৫ থেকে ২০ দিনের মধ্যে এই ট্রেনটি উদ্বোধন করবেন।

তিনি বলেন, ইতিমধ্যে দেশীয় নক্সায় তৈরি বন্দে ভারত স্লিপার ট্রেনের চূড়ান্ত উচ্চ-গতির পরীক্ষা সম্পন্ন হয়েছে। তিনি বলেন, ১৬ কোচ বিশিষ্ট এই স্লিপার ট্রেনটি এক হাজার থেকে এক হাজার পাঁচশ কিলোমিটার পর্যন্ত দীর্ঘ দূরত্বের ভ্রমণের জন্য তৈরি করা হয়েছে। ট্রেনটি অত্যাধুনিক যাত্রী সুযোগ-সুবিধা দিয়ে সজ্জিত, যার মধ্যে রয়েছে আরামদায়ক স্লিপার বার্থ, স্বয়ংক্রিয় দরজা এবং আধুনিক শৌচাগার। স্লিপার ট্রেনের ভাড়া হবে থার্ড এসির খাবার সহ প্রায় দুই হাজার ৩০০ টাকা, সেকেন্ড এসির জন্য তিন হাজার টাকা এবং ফার্স্ট এসির জন্য তিন হাজার ৬০০ টাকা।

Special Story-Indian Sports :

২০২৫-কে ভারতীয় ক্রীড়া জগতের জন্য একটি যুগান্তকারী বছর বলাই যেতে পারে। ভারতীয় ক্রীড়াবিদ এবং যুগান্তকারী নীতিগুলো একত্রিত হয়ে একাধিক ঐতিহাসিক বিজয় এনে দেওয়ার বছরটি ভারতীয়তাকে বলিষ্ঠতায় তুলে ধরেছে। ভারতের জনসংখ্যার প্রায় ৬৫ শতাংশের বয়স ৩৫ বছরের নিচে হওয়ায়, কেন্দ্রীয় সরকার খেলাধুলাকে যুব ক্ষমতায়ন এবং জাতীয় আকাঙ্ক্ষার ভিত্তি হিসেবে দৃঢ়ভাবে প্রতিষ্ঠিত করে ২০২৫-২৬ অর্থবছর এই অর্থবছরে যুব বিষয়ক ও ক্রীড়া মন্ত্রক রেকর্ড ৩,৭৯৪ কোটি টাকা বরাদ্দ করেছে। নতুন ইংরেজি বছরের শুরুতে একটি প্রতিবেদন।

#####VC#####

CM-Nalchar :

মুখ্যমন্ত্রী অধ্যাপক ডা: মানিক সাহা আজ সোনামুড়া মহকুমার নলছড় দশমীঘাট মাঠে কথাসাহিত্যিক অদ্বৈত মল্ল বর্মনের ১১২তম জন্মজয়ন্তী উপলক্ষে তিনদিনব্যাপী উৎসব ও মেলার উদ্বোধন করেন। মুখ্যমন্ত্রী অদ্বৈতমল্ল বর্মনের জীবন সংগ্রাম বিস্তারিত উল্লেখ করে বক্তব্য রাখেন। তাছাড়া অনুষ্ঠানে বক্তব্য রাখেন তপশিলি জাতি কল্যাণ মন্ত্রী সুধাংশু দাস, উচ্চশিক্ষা মন্ত্রী কিশোর বর্মন, সিপাহীজলা জিলা পরিষদের সভাধিনেত্রী সুপ্রিয়া দাস দত্ত, বিধায়ক পিনাকী দাস চৌধুরী প্রমুখ।

BJP-Press Meet :

সাংসদ রাজীব ভট্টাচার্য আজ আগরতলায় এক সাংবাদিক সম্মেলনে বলেছেন, রাজ্য সরকার হর ঘর নল প্রকল্পে ৪৪ হাজার ৮৬৫টি ঘরের মধ্যে ৩৮ হাজার ১৪টি ঘরে পানীয় জলের সংযোগ দিয়েছে। তিনি জনজাতিদের

উন্নয়নে সরকারের গৃহীত পদক্ষেপ বিস্তারিত উল্লেখ করেন। রাজ্যবাসীকে ইংরেজি নববর্ষের শুভেচ্ছা জানিয়েছেন সাংসদ শ্রী ভট্টাচার্য।

PMBY :

গর্ভবতী নারী ও মায়েদের জন্য সরকারের ক্ল্যাগশিপ স্কিম প্রধানমন্ত্রী মাত্র বন্দনা যোজনার আজ নয় বছর পূর্ণ হয়েছে। নারী ও শিশু উন্নয়ন মন্ত্রণালয় জানিয়েছে, এই প্রকল্পের আওতায় চার কোটি ৫০ লাখ সুবিধাভোগীকে তালিকাভুক্ত করা হয়েছে এবং প্রায় ১৯ হাজার কোটি টাকা সুবিধাভোগীদের মধ্যে বিতরণ করা হয়েছে।

Weather :

আগামীকাল আকাশ আংশিক মেঘাচ্ছন্ন থাকবে। আজ রাত থেকে আগামীকাল সকালে পশ্চিম জেলা, খোয়াই, সিপাহীজলা, গোমতী, ধলাই ও দক্ষিণ ত্রিপুরা জেলার কিছু স্থানে ঘন কুয়াশা পড়ার সম্ভাবনা রয়েছে। আজ দিনের সর্বোচ্চ তাপমাত্রা ছিল ২০.৫ ডিগ্রি সেলসিয়াস এবং সর্বনিম্ন ১০ ডিগ্রি সেলসিয়াস। আগামীকাল দিনের সর্বোচ্চ তাপমাত্রা ১৯ ডিগ্রি সেলসিয়াস এবং সর্বনিম্ন ৯ ডিগ্রি সেলসিয়াসের কাছাকাছি থাকতে পারে।
